

EREKYEREKYERE
HO

K W A N K Y E R E B U U K U U

EREKYEREKYERE
HO

K W A N K Y E R E B U U K U U

Jesus Christ N'asor a ցահ հօ ma Nda a Odzi
Ekyir Ahotseweefo
Salt Lake City, Utah
Dze puee guado

© 2000 Intellectual Reserve, Inc.
All rights reserved
Wotsintsimii wɔ United States of America
Ngyiresi kasa mu mpendo: 5/99
Nkyerease mpendo: 9/99
Teaching Guidebook ne nkyerease wɔ
Fantsekasa mu

Tsir

Mbueienyi	v
Siesie Woho wɔ Sunsum mu	1
Kyerɛkyere dɛ Mbre Jesus Kyerɛkyere no	3
Fa Nkyerɛkyere akwan Horow do Kyerɛkyere	8
Yε W'adzesua ho Ahoboa	12
Tse Hɔn a Ekyere hɔn Adze no Ase	15
Erekyerɛkyere ho Akatua	17
Erekyerɛkyere Asɛmpa Adzesua no n'Enyido	19

Mbueienyi

Wɔayɛ nkyerɛkyere buukuu yi ama awofo, banodzifo, na akyerɛkyerefo. Wobotum dze akā ankorankor ne mbɔdzembɔ ho de obotu mpon de kyerekyerenyi. Se "Teaching, No Greater Call" ("Erekyerɛkyere, Ḍfrɛ Kese Biara Nnsen no") nnyi hɔ a, wobotum dze aye fapemdze wɔ Erekyerɛkyere Asempa Adzesua no na kyerekyerenyi mpontu nhiamu (hwɛ krataafa 18).

Ewuradze maa hen mbrasem de yenkyerɛkyere hen ho ahenman no ne nkyerɛkyere no nkorkor. Ḍsee de yenkyere no enyiberdo na n'adom beba hen do ama wɔakyerɛkyere hen mudzi mbordo mu, wɔ asempa no ne nkyerɛkyere mu, n'ahyɛsedze, fapem mu, nkyerɛkyere mu, asempa no ho mbra mu, nye ndzemba nyina a ɔfa Nyame n'ahenman no ho a ohia hen de yɛtse ase mu (hwɛ D&C 88:77-78).

Fie no wɔ de ɔyɛ bea a wɔyɛ iy. Nkyerɛkyere na adzesua a ɔkɔ do wɔ asorfi mu no na ɔgye fie no abamba. Hen nyina wɔ asedze de akyerɛkyerefo wɔ mbea yinom mu, na wɔ hen fipamfo na hɔn a yenyen hɔn dzi nkitalo wɔ daadaa abrabɔ mu. Yekyerɛkyere de ye耶耶 awofo mba-mbanyin, mbabaa, kunnom, nyernom, nuambanyin na nkyerɛbaa. Yekyerɛkyere de Asɔr banodzifo, adzesua dan mu akyerɛkyerefo,

fie akyerɛkyerefo, na akyerɛkyerefo aserafo. Yekyerɛ hen edwumayefo, fipamfo, na ayɛnkofo so. Ḍtɔfabi a dza yekā na dase a yegye no na yedze kyerɛkyere na ottaa de yedua hen fasusu do dze kyere mpo.

Galilee mpoano hɔ no, Ewuradze a ɔasoer efi ewufo mu no kyerɛkyere Peter de, "Nyen mo guan" (John 21:16-17). Ḍfrɛ de yebekyerɛkyere no rohwehwe ma yedze asempa no nokwar no amee binom hɔn akoma ma ɔnam do ma yeedzi hɔn kan aks Agyenkwa no hɔ (hwɛ Moroni 6:4). Dwen dza erekyerɛkyere asempa no ye wɔ Ḍsor Egya ne mba hɔn nkwagye ho. Ana ibotum esusu dwuma dehye anaa krɔnkrɔn bi a ɔkyen iy?

Se eye ɔwofo anaa kyerɛkyerenyi a mbreana wɔafre wo fofor a, asodzi yi botum aye wo dadwen. Kaa de Ewuradze aye krado de ɔbɔboa wo. Ḍabo anohoba de se ye耶耶 ahobreadze na yena gyedzi a, "[...] beye ma ndzemba a ɔyɛ mberew no aye dzen ama [hen]" (Ether 12:27). Hen mbɔ-dzemba mu de yebotu mpon de akyerɛkyerefo no, yebotum atow wɔ osuahu a yena na nyimdzee a besi nde yetu no mpon wɔ hen abrabɔ mu no mu. Hen nyimdzee bɔkɔ kan ber a ye耶耶 ahosiesie yie, yebɔ mbɔdzen hye hɔn a yekyerɛkyere hɔn no dzen, na yedze hen were hye Ewuradze mu no.

Siesie Woho wɔ Sunsum mu



Ber a eyε ahosiesie wɔ sunsum mu no, Sunsum no, anaa Sunsum Krɔnkrɔn no, bema wo kwankyerɛ na mboa ber a erekeryere. Ama etum akyerekyere asempa ne fapem na nokwar no, Sunsum Krɔnkrɔn no ho wɔ hia. Ewuradze akā dε, "Wɔnam gyedzi mpaabɔ do benya Susum no; na se hom nsa nnkā Sunsum no a mma hom nnkyerekyere"

(D&C 42:14). Esusudze a odzi do yi bɔboa wo ma edze Sunsum Krɔnkrɔn ne kwankyerɛ no aye ahosiesie akyerekyere.

Ma Wonyi Wo Nsi Ho

Se wɔfre wo dε kyerekyerenyi a, ɔwɔ de woyi wo si ho na w'asfodzi bano-

dzifo ma wo nhyira soronko. Nhyira yi bɔboa wo ma ahye wo frɛ mā. Ber a eyε dza ibotum nyina dze som wɔ wo frɛ dε kyerekyerenyi no, Ewuradze bema wo tum a ɔbema wo nhyedo pa wɔ binom do no aye kese. Ber a ohia no, ɔbɔkrɔn wo mpo ma abor wan-kansa wo *talent* na nyimdzee do.

Hwehwe Sunsum Krɔnkrɔn no ne Kwankyerɛ

Hwehwe Sunsum Krɔnkrɔn no ber a ekyerekyere no. Obotum aboa wo ma atse hɔn a ekyerekyere hɔn no hɔn ehiadze ase na aye ahosiesie dze enya dem ehiadze no. ɔbɔdwedwe w'akoma na oesiesie w'adwen ma enya nkenyan na kwankyerɛ bi so akā ho.

Taa Bɔ Mpaa

Taa bɔ mpaa na sere Ewuradze ma ɔmboa wo ber a irusua na ereye ahosiesie. ɔtɔfabì a, ibotum dze akɔnkye akā wo mpaabɔ ho. Bɔ mpaa fa tse ankorankor a ekyerɛkyere hɔn no ase na fa dɔ hɔn. Sua dε ibohu na ibedzi Sunsum Krɔnkrɔn no ne nkenyan a ɔbɛba wo do no do.

Sua Kyerewsem no

Sua kyerewsem no mpaabɔ mu ara. Ber a eye no, ibosua Agyenkwa no ho nsɛm na enyin wɔ nokwar ne nyimdzee mu. Sunsum Krɔnkrɔn no bɔboa wo ma atse kyerewsem no ase na ehu mbre osi fa w'adzesuafo anaa ebusua hɔn ehiadze ho. Edze akɔnkye na mpaabɔ rekā wo kyerewsem adzesua ho no, Sunsum Krɔnkrɔn no behye wo dzen na ɔama wo kwankyerɛ ber a ekyerɛkyere no.

Fa Asɛmpa no Bɔ Bra

Fa asempa no bɔ bra mudzi mu ara de mbre ibotum. Nu woho wɔ mfomdo a ayɛ no dadaw no ho. Ber a eye ndzɛmba yinom no, ibenya ahoo'dzen na ntseasee. Asomdwee na enyigye a enya fi aper a edzi dε edze asempa no bɔbɔ bra no beda edzi akyere nkaafø no. Wobenya wo dasedzi ho nokwar

na wo pisi ho tum. W'abrabsu bɛkyerɛkyere hɔn.

ɔyɛe kyerekyerɛnyi bi dzen dε ɔbetse Sunsum Krɔnkrɔn no ne kwankyerɛ nkā ber a nna ɔreye n'adzesua ho ahosiesie no. Ber a ɔbɔɔ mpaa serɛɛ mboa no ohun dε nna ɔwɔ ebufuw nkātse wɔ n'akoma mu wɔ ne fipamfo bi a ɔaye no bɔn ho. ɔserɛɛ Ewuradze ahobreadze mu ara de ɔmfa nkycɛ no. Adzekyee no ɔkɛseraa ne fipamfo no na ɔpaa no kyew de oenya nkātse bɔn ama no. Ono na ne fipamfo no twee bɛnee, na otumii benyaa Sunsum Krɔnkrɔn no ne kwankyerɛ bio.

Yɛ Ahobreadze

Ahobreadze botum aboa wo ma ekwetsir nsɔhwɛ dε ebɔhwehwe asoyɛ ama woho anaa ebɔtwer wankasa wo nyimdzee anaa *talent* mbordo. Ibotum akyere ahobreadze ber a iridzi afotusɛm a ɔwɔ Mbɛbusɛm 3:5–6 no do: “Fa wo were nyina hye Ewuradze mu; na mma nntwer wankasa wo ntseasee. W'akwan nyinara mu no kan no to mu, na ono na ɔbɛkyere wo w'a-kwan.” Ewuradze kyerekyere de se yeye ahobreadze a, Ewuradze hen Nyankopɔn bosuo hen nsa mu edzi hen kan, na ɔama hen hen mpaabɔ ho mbuae (hwe D&C 112:10).

Kyerɛkyerɛ de mbre Jesus Kyerɛkyerɛ no



Dɔ Hɔn a Ekyerɛkyerɛ Hɔn no

N'asaase do abrabɔ mu no,
Agyenkwa no kyereɛ ɔdɔ kese na
ntseasee maa obiara. ɔkyerɛkyerɛ
ehiafo, ahonyafo, hɔn a wɔapam hɔn,
na ndzebɔnyeфo. ɔkyerɛkyerɛ hen de
yendɔ obiara na yemboaboa henho
nkorkor. ɔkā de "Mbrasɛm fofor na
medze mema hom, de hom ndodɔ
homho nkorkor" (John 13:34). Ber a
yekyerɛ dɔ ma hɔn a yekyerɛkyerɛ no,
wobohu hɔnho a ɔsombo kɔ onnyi-
ewiei mu yie, wonya adzesua ho
enyigye yie, na wotum tse Sunsum
no yie.

Eye asempa kyerɛkyerenyi no n'ase-
kyere bor erekyerɛ adzesua dapen
dapen biara. ɔkyerɛ so de w'adzesua-

fo no hɔn asem fa woho. Bɔ mbɔdzen
de ibohu hɔn mu kor biara de ɔye
ankorankor. ɔbɔboa wo ma akyerɛ-
kyere hɔn ndamye mu. Wobehia wo
mboa ber a wɔwɔ nsenhia, ber a
wɔmmba adzesua, anaa se wɔwɔ esin-
tɔ bi a. Kaa Agyenkwa ne guan kor
no a ɔtɔ gon no (hwɛ Luke 15:3-6).

Abofra bi a ɔnntaa mm̄ba adzesua ne
kyerɛkyerenyi kor hun de ber biara a
ɔbɛsera abofra no n'ebusua wɔ dapen
no mu no, ɔba asɔr Kwesida a odzi do
no. ɔbɔɔ mbɔdzen de ɔbɛtaa nye n'a-
wofo akasa na ɔbɛkyerɛ no dɔ wɔ
abofra no ho. Da bi mpo a nna awofo
no wɔ edwuma mu no, ɔkefaa abofra
no ber a wɔpoon skuul no amma
adzesua dwumadzi bi ammbɔ no.

De eyε kyerεkyerεyi no, ibotum so ayε wo kyεfa yie ma enye asɔrmba no enya fekuwbɔ na aboa hɔn ma woe-gyina de wɔasakyer aba asempa no mu. Iyi hia kεse ma asɔrmba afofor na hɔn a wɔayε akɔtrɔbɔdwε. Daa boa hɔn ma wonya nkātse de wɔyε hɔn akɔaba. Hwεhwε akwan ma hɔn ma wɔmfα hɔnho nhye adzesua no mu. Siesie woho kyerεkyere asempa no nokwar no wɔ Sunsum no na ɔdɔ mu.

Kyerεkyere Asempa mu Nokwar

Agyenkwa no kyerεkyere asempa no mu nokwar no. Otsii mu kyerεkyereε fapem na ayεdze a odzi kan no—gyedzi, nnuho, enuma, na eregye Sunsum Krɔnkɔn no. Okyerεkyereε hen de yendodɔ na yensom henho nkorkor. Okyerεkyereε asɔfodzi, ahye-mudzi, ayεdze, na dza otwar de yehu na yeε nyina ama yeaba No hɔ. ɔse de yεkyεkyere asempa no de mbre woeyi akyere wɔ kyerewsem no mu na nda a odzi ekyir nkɔnkyefo hɔn nsem. Wiadze nsem, nkyεkyere a ɔyε akā-bi-ahwε anaa ɔdze ekyingye beba no mmfata.

Agyenkwa no kyerεkyereε asempa mu nokwar no pefee. ɔdze kasa a wotum tse ase na ɔda edzi yie, wɔ daa abrabɔ mu yee mfatoh. Okasaa faa erohwehwε oguan a ɔatɔ gon ho, erohwehwε dwetebona, na iridzi dew de ɔba dzeseefo no asan aba (hwe Luke 15).

Nna ɔtɔ de Agyenkwa no fa nsem fi kyerewsem no mu. Dzi hɔn a ekyεkyere hɔn no kan ma wɔntaa mfa kyerewsem no ndzi dwuma wɔ adzesua no mu. Boa hɔn ma wɔntse ase de kyerewsem mu nkɔrɔfo no ye nkɔrɔfo ankasa a wonyaa nsɔhwε mber na enyigye suahu wɔ hɔn mbɔdzemba mu de wɔbɔsom Ewuradze. Bisa nsem a obebia de hɔn a ekyεkyere hɔn no bɔhwε kyerewsem no mu enya ho mbuae. Hyε ankorankor nkuran ma onsua wɔ fie, na kyεre no mbre obesi bεye dem adzesua yi ndamye mu. Kyεkyere hɔn mbre wobesi dze adzesua mboa a ɔwɔ kyerewsem no mu no bedzi dwuma. Ma adzesua ndwuma a obebia de adzesuafo no bɔhwεhwε kyerewsem na nda odzi ekyir nkɔnhyefo hɔn nsem mu.

Fa Sunsum no Kyεkyere

Ber a wɔrekyεkyere no akyεkyereε fo no wɔ de wɔhwehwε nya Sunsum no. Obi botum akyεkyere nokwar a odzi mu, na adzesuafo no botum aye mpensampensamu a ɔma ntowdo, na mbom gyede Sunsum no wɔ hɔ, ndzembə yinom rennhyε ɔkra no do wɔ tum mu. Se Sunsum no wɔ hɔ a, dɔm no nyina hyε dzen wɔ hɔn dɔ ma Egya a ɔwɔ Sor na Jesus Christ, hɔn dɔ a wɔwɔ ma hɔnho nkorkor, na hɔn pisi mu de wɔdze asempa no bɔbɔ bra. Dza odzi do yi nye ndzembə binom a ibotum aye dze enya Sunsum no ber a erekεkyere no.

- Fa mpaabø hye ase.
- Kyerekyere fi kyerewsem no mu na nda a odzi ekyir nkõnhyefo hõn nsém.
- Gye wo dasee.
- Enye hõn nkye wo suahu na to nsa fré binom ma wõnye demara.
- Fa adwontow kã ho (hwe krataafa 9).
- Kyere wo dõ ma Ewuradze na nkaaf.

Se aye ahosiesie yie a, Sunsum Krõnkrõn no bema wo kan na kwan-kyere ber a erekerekyere no. Ibotum enya nkenyan a ɔfa hõn a erekerekyere hõn no ho na dza ɔwɔ de itsĩ mu kyerekyere. Ibotum enya adwen na nkätse bi a ɔfa mbre ibotum akyerekyere hõn ndamye mu. Wo mbø-dzembø enyiber do no nsunsuando bøkrõn, ber a ahobreadze mu ara etsie Sunsum no ne nkenyan. Ibotum so aboa hõn a ekyerekyere hõn no ma woehu Sunsum no ne nkenyan.

Hwehwë Adzesua Enyiberdo

Ewuradze ahye hen de yenhwehwë enyansasem mfi nwoma a odzi mu no mu; Dahye hen so de yendua adzesua na gyedzi do mfa nhwehwë nwomasua (hwe D&C 88:118). Asorba biara wɔ de odua ɔnoara ne mbødzembø do dze nya nokwar no ho nyimdzee. Kyerckyerenyi n'asodzii nye de obe-kenyan nwomasua, ntseasee, na

asempa a wɔdze bɔ bra ho pe. Ama etum ahye asodzi yi mā no, ibotum edze w'enyi etsim ndzemba ebiasa do.

1. Kenyan na kura hõn a ekyerekyere hõn no hõn pe. Kwan kor a enam do beye iyi nye ɔwoara w'enyigye wɔ asempa ne nsuae ho. Kor so nye ebefa nkyerekyere akwan a ɔbema w'adzesua no aye pefee, enyigye, na ne nkae aye mberew (hwe nkra-taafa 8-11). Irikenyan enyigye no hia kese wɔ adzesua no n'ahyese. Ber a erehyehye wo nkyerekyere no, hwehwë akwan a edze bɔto nsa afre Sunsum Krõnkrõn no, edze benya obiara n'asoye ahyese no ara wɔ enyigye mu, na tsĩ nkyerekyere anaa fapem a ɔwɔ de ekyere wɔ adzesua no mu no mu.
2. Hye hõn nkurau ma wɔmfá hõn ho nhye mu. Hyehye akwan a ɔbema obiara dze no ho ahye w'adzesua mu. Ibotum asere obi ma ɔakenkan nserekã anaa kyerewsem anaa ɔakã asem bi. Ibotum ato nsa afre hõn ma woeyi nsembisa bi ano na wɔapen-sapensa adzesua no mu a nhye biara nnyi mu. Ibotum ama nyimpa kor anaa no mboree atow ndwom anaa wɔabø sanku. Mpaabø mu ara ibotum eyi obi ma ɔagye ne dasee anaa ɔakã n'abrabø mu suahu a ɔfa adzesua no ne tsir ho. ɔtɔfabì a ibotum edzi kan ebisa ansaana adzesua no ahye ase ama hõn a ebisa hõn no abobø do amma annhaw hõn de wɔdze hõnho behye mu.

Nna kyerékyerenyi bi n'adzesua ne pɔw tsitsir nye Mormon Nwoma no n'akenkan ho hia a ohia.

Otowee maa mbasirmba no a wɔwɔ n'adzesua hɔ no dε wɔndwendwen kyerewsem ne nkyekyemu bea a asesã hɔn abrabɔ. Otoo nsa free baasa anaa baanan de wɔmfɑ hɔn ho mma na wongyina nye adzesuafo no nkye hɔn kyerewsem ne nkyekyemu no na wɔnkã nkyere adzesuafo no mbre nkyekyemu no sii sesãa hɔn abrabɔ. Ber a kor biara kyε ne nkātse dεdεw a ɔfa Mormon Nwoma no tum ho no, adzesuafo no nyaa pε dzendzen dε wɔbekenkan na wɔadwendwen kyerewsem no ho daadaa.

Nkorɔfo binom twetwe hɔnho dε wɔdze hɔnho behye mu. Mma mmbisa obi de ɔmbɔ mu nkenkan anaa ɔmbɔ mpaa gyede inyim pefee dε ɔrennhaw no. Se w'adwen mu ye wo konsee dε obi bepe dε ɔdze no ho behye mu a, bisa hɔn a wɔdze hɔnho bema kyen dε ebefre obi a ɔbɔtwetwe no ho. Nkakrankakra adzesuafo no dodowara benya nkātse dε wɔdze hɔnho behye adzesua no mu a ɔnnye haw se wohu dε hɔn a wɔdze hɔnho ahye mu no wodzi hɔn nyi na wobu hɔn so a.

3. Boa hɔn ma wɔmfɑ dza woesua no ndzi dwuma. Dza woesua no, ɔwɔ dε eboa hɔn ma wɔdze to hɔn abrabɔ mu nsem ho. Erema adzesua dwuma na taferbanyinmbɔmu no boa adzesuafo ma wonya suahu

wɔ nokwar a wɔakyerékyere no ho. Kaa dε asempa nsuae ho nnyi mfaso gyedε asempa abrabɔ kã ho.

Ma Bea no Mfata Adzesua

Gyinabew pa a oye ma asempa nsuae nye dε obiara a ɔwɔ ho no, adzesuafo nkaa no hɔn adzesua befa noho. Se akyerekeryerefo na adzesuafo dɔ hɔn ho na wɔboa hɔnho a wonya ntseasee na wɔdze asempa no bɔ bra a adzesua no ho dɔ tu mpon. Se ɔwo na hɔn a ekyerekeryere hɔn adze no ye ma bea no fata adzesua no a, ntotoananmu renntaa mm̄ba. Ye dza ibotum nyina ma bea no mfata adzesua no na boa hɔn a ekyere hɔn adze no ma wonhu mbre wobesi aboa.

Dza odzi do yi nye ndzemb̄a a ibotum aye dze aboa ma bea no afata adzesua no:

- Du adzesuabea hɔ ntsem a edze ndzemba na mfir a ɔboa adzesua no.
- Hwε no pefee dε adzesuabea no tsew, biribiara deda yie, hɔ ye ahoto, na ntotoanamudze a ibotum eyi no akwa biara nnyi hɔ.
- Hye ase na wie wɔ ne ber ano.
- Kyia na ma adzesuafo no mu kor biara, se ɔbeye yie a, akɔaba.
- Ye ndzemba a ɔfrε Sunsum no na ɔboa enyidzi na obu.
- Dɔ adzesuafo no na boa hɔn ma ɔnye ahoto mma hɔn dε wɔdze hɔnho behye mu.

-
- Bisa nsem a ɔbɔboa adzesuafo no ma wɔdze hɔn adwen etsim botae no do.
 - Hye adzesuafo no nkuran ma wɔmfa enyidzi na ntseasee nyɛ aso mma hɔnho nkorkor.
 - Tsia nkɔmbɔdzi a ɔbɛsɛe anaa abohuan dase do anaa ɔbɛma Sunsum no atwe no ho.

Aye dza ibotum nyina dzɛ enya ehuwmumba ma wɔagye adzesua no, ibotum so ehyia taferbanyinmbɔmu. Esusudze a odzi do yi botum aboa ma eehu taferbanyinmbɔmu a ɔtaa ba na nsembisa no ne nyiano.

- Se dede ba hɔ a, gyaa kasa kɛpem ber a obiara bɛye aso ritsie wo. Afei kɔ adzesua no do.
- Se ber a adzesua no rokɔ do no binom nyɛ hɔnho dzi nkɔmbɔ a,

sera hɔn kɔko a mu, ber a adzesua no aba ewiei no bisa hɔn dza ɔwo na hɔn botum aye a ɔbɛma adzesua no aks do dwudwoodwo.

- Se nyimpa kor nko na oyiyi adzesua mpensampensamu no ano ma nsembisa no nnkɔ adzesuafo nkaa no hɔ a, enyidzi mu ara susu de ebɛpe de ibetsie hɔn a wɔmmfaa hɔnho nnhyɛe adzesua dwumadzi no mu no so.
- Se adzesuafo no kã nsem a ɔtwe mpensampensamu no fi adzesua no no botae no ho a, tsie hɔn na mbom tsen mpensampensamu no san kɔ adzesua no botae no do.

Dedeye bɔkɔ famu ber a ehwehwɛ akwan a obiara a ɔwɔ kuw no mu no benya dɔ na ɔagye ato mu na ɔdze noho ahye dwumadzi no mu.

Fa Nkyerɛkyerɛ akwan Horow do Kyerɛkyerɛ



Ndzemba pii wɔ hɔ a ibotum aye a ɔbema adzesua a edze ato gua no aye enyigye na aboa ma w'adzesuafu no esua asɛmpa mu nokwar no.
Esusudze binom na odzi do yi.

Fa Nsem na Mfatohø

Nsem na mfatohø nyan na ɔboa nkɔrɔfo hɔn enyigye na ɔkyere mbre wobesi dze asɛmpa fapem no bɔto hɔn daadaa abrabɔ ho.

Ibohu nsem a odzi mu wɔ kyerewsem no mu na ɔwɔ wo kyerekyerenyi ne nkyerɛkyere buukuu no mu so.
Ansaana ebehye w'adzesua ase no, sua nsem no kor biara a ahyehye de ebekā no. Fa ɔwoara wo nsem bobɔ do. W'adzesuafu no betsie no yie ber

a edze ɔwoara wo nsem rekā sen de ebekkenkan. Mbofra nkakrabø so pe nsem a hɔnara ye no ɔyekyerɛ no.

Mbofra-kuw kyerekyerenyi bi hye n'adzesua ase a daa ɔdze kyerewsem mu nsem hye ase. Mfatohø, se n'adzesua a ɔbekyerɛ no fa ehumbɔbɔr ho a, ɔkā Samarianyi pa no ho asem.

Mbofra no tum twa mfonyin wɔ hɔn adwen mu de wɔabɔ banyin bi epoo na mbanyin binom so hwɛ nkyen na wɔsen ntsemtsem kɔ. Mbre Samarianyi no dze ehumbɔbɔr na enyidzi hwɛ opirafo no sɔɔ hɔn enyi. Mbofra no enyi bødaa nsem yinom do. Kyerɛkyerenyi no suaæ dze ne ndze na mbre ɔyɛɛ n'enyim twee mbofra no a wɔwɔ adzesuadan mu

no hɔn adwen gyinae. Adzesuafo no bohun kyerekyere no yie na hɔn enyi gyee mu.

Fa Mfonyin na Ndzemba

Agyenkwa no tɔ de ɔfa ndzemba a ɔnye na ber a ɔrekyerɛkyere no. ɔfaa abafua, anhwea, mbobaa, na ndzemba a nkorɔfɔ nyim a ɔboboa hɔn ma wɔatse dza ɔrekyerɛkyere no ase. Mfatohoh, ɔdze Nyame n'ahenman no too akoradze a ɔsombo ara ho ma ɔbarimba bi kɔtɔn dza ɔwɔ nyina ama ne nsa akā (hwe Matthew 13:44).

Hwe woho aprɔw. Eben ndzemba a ɔnye na na ibotum dze aboa w'adzesuafo no ma wɔatse asempha fapem no ase yie?

Epe a ibotum dze nsaano mfonyin a neye nnye dzen akyere asempha fapem mu. Fa mfonyin fi Asempha Nsaano Mfonyin Mboano no mu kyere ber a erekā asempha mu asem. Ama asem no aye enyigye yie no, ye nsaano mfonyin a ne ye nnye dzen wɔ kɔykbɔd anaa krataa do.

Nna kyerekyerenyi bi rekyere adzesua bi a ɔfa Jesus n'abebusem a ɔye ewifua pa na nworahaban no ho. Osiande adzesuafo no tse bea a wɔyɛ kwā no ntsi nna kyerekyerenyi no nyim de wɔbetse ase yie de se wotutu nworahaban no a wobotutu ewifua no a mbreana worinyin no. Osiesiee ewifua ndua pokuwa mu a efuw edzi mu afora. ɔdze pokuwa yi kyereɛ adzesuaber no nyina mu.

Kyerɛkyerenyi bi so hyee n'adzesua kuw no nkuran de wɔndwen biribi a wɔdze nnuho bɔto ho. Adzesua kuw mba no susuu de nnuho tse de semina, de ɔtsew henho fi bɔn ho.

Fa Ndwom

Ndwom ye kwan pa a odzi mu yie a edze besere Nyame no Sunsum aba w'adzesua ase. Ndwom boa hen ma yeda hen nkɔtse edzi a ɔbeɛyɛ dzen de yedze kasa beda no edzi.

Asɔr ndwom kyerekyere asempha fapem pii a yebotum dze edzi dwuma wɔ adzesua no dodowara mu. Ibotum ato nsa afre ankorankor, kuw bi, anaa ebusua no nyina anaa adzesuafo no ma wɔatow ndwom a ɔfa adzesua no ho. Ibotum so abɔmu akenkan ndwom no mu nsem ber a obi robɔ no wɔ sanku do. Anaa ibotum abɔ ndwom a wɔakyer egu efir do.

Kyerɛkyerenyi bi yee ahoboa wɔ adzesua a ɔfa som ho. Oyii ndwom a ɔbɔboa adwen tsitsir a ɔwɔ adzesua no mu no. Adzesuaber no mu no ɔfreɛ akyerebaa kor ma ɔkenkaan ndwom yi no mu nsem no na kor so dze no kɔmer mu toow ndwom no bɔkɔɔ. Ndwom yi boaa adzesuafo no ma wonyaa som ho hia ho nkɔtse yie.

Bisa Nsem a ɔbɛgye

Ndwendwenho Yie na ɔgye Mpensampensamu

Iribisa nsem wɔ no kwan do no bema wɔadwendwen adzesua no ho na

wɔapensapensa mu. Nsembisa ne mpensampensamu boa wɔ akwan pii mu. Wɔboa adzesuafo no ma wɔkyen hɔn aso adzesuaber no mu. Ibotum ehu de adzesuafo no tse adzesua no ase a. Adzesuafo no tum kyere hɔnho adze nkorkor ber a woyiyi nsembisa no ano na wɔpensapensa mu. Wotum sua mbre wobesi dze asempa fapem no bɔbɔ hɔnara hɔn bra.

Ber a ereye adzesua no ho ahoboa no, bɔ w'adwen pɔw wɔ nsem a ibebisa ho. Esusudze a odzi do yinom botum aboa wo.

- Bisa nsem a ɔbɔboa adzesuafo no ma wɔadwendwen asempa fapem no ho na mbre wobesi dze ato hɔn abrabɔ ho. Nsembisa a ɔgye adwen no ɔtaa de ɔhye ase "Den ntsi?" anaa "Osi den?" Mpen pii mu no ɔwɔ de ikwetsir nsembisa a wobotum dze "nyew" anaa "oho" anaa kasafua kor eyi ano.

Mfatohoh, erekyerkyere adzesua a ɔfa yedze hen abrabɔ betsime Agyenkwa no do no, ibotum ebisa nsem tse de mbre odzi do yi:

"Irisi wɔ Christ no botan no do, ase kyere den?"

"Eben fapem binom so a ɔnnye Christ no botan no do na ɔtɔfabì a nkorɔfo si hɔn abrabɔ wɔ do?"

"Edze wo bra sii Christ no botan no do no esi den aye nhymira ama wo?"

- Bisa nsem a ɔbɛhye adzesuafo no nkurān na wɔakyē hɔnarkasa hɔn adwen na sūahu. Mfatohoh:

"Dén ntsi na Ewuradze hye hen de yembɔ mpaaa daa nyina?"

"Oesi den ebua wo mpaabɔ?"

- Bisa nsem a ɔbɔboa adzesuafo no na wɔdze asempa fapem no abɔ hɔn bra. Mfatohoh:

"Yebesi den esiesie henho yie dze agye hen mpaabɔ ho mbuae?"

"Ibesi den ebohu de Jesus Christ nye wiadze Agyenkwa no?"

"Ibesi den ahye wo dasegye dzen de Joseph Smith ye Nyankopɔn no Nkɔnhyenyi?"

Sé obi bisa wo asem a inntum nnyi ano a, bisa adzesuafo no ma wɔmboea wo ma yi ano, anaa kā kyere onyia no de ebɔhwehwɛ nyiano no aba ber a wɔbesan ehyia bio no.

Mma ɔnnhaw wo de se ibisa nsem no a, adzesuafo no ye komm kakra. Wɔtaa de wohia mber dze adwendwen mbuae no ho. Mbom sé ɔba no de wɔnntse ase a, obetia de ebedan no ebisa no bio. ɔye mboa de, se iribisa obi asem a ebɔbɔ ne dzin na afei ibisa asem no.

Ewiei, hwɛ yie na enntwa mpensampensamu bi a ɔrokɔ do yie amon mu ber a erepe de ebekyere ndzemba a aye ahoboa wɔ ho no. Dza ohia tsi-

tsir nye de kuwmba no bëtse Sunsum Kröñkrön ne nkă, hòn asempa ne ntseasee mu etu mpon, woesua dze asempa fapem no abɔ bra, na wɔahye hòn pisi dzen de wòdze asempa no bɔbɔ bra.

To Nsa Fré Ahɔho

ɔyε a, da kor da kor bi, ebɛpε de ebɔto nsa afre ahɔho. Ibotum ebisa Asɔrba a odzi mu ma ɔabɔ amandzεε, akyε asem bi, anaa ɔagye ne dasee. Dzi kan ma nyinpa yi nhu mber dodow a ɔse de ɔfa ansaana. Ma wo *bishop* anaa nkorbata *president* mpen do ansaana ato nsa afre ɔhɔho bi a ɔnntse wo *ward* anaa nkorbata ho.


Elderfo *quorum president* bi too nsa frēe ne kuwmba no kor de ɔmbra

mbékă akwan a wɔbɛfa do ma fie nkyerɛkyere no aye enyigye ama mbofra a wɔsera hòn no nkyerɛ elderfo no. Nnye ntseasee a ohia de mbofra no nya dze hònho hye fie aserase-ra nkyerɛkyere no mu nko na elderfo no nyae, na mbom wonyaa nsusui pii a ɔfa mbre wosi boa mbofra no ma wòdze hòn ho ahye mu.

Fa Dwumadzi

Dwumadzi a ɔnnye dzen a ɔfa adzesua no ho botum aboa adzesuafo no nkanka mbofra na mbabun ma woesua asempa fapem. Dwumadzi ho nsusui kă adzesua nkyerɛkyere mbuukuu a Asɔr no aye no mu dodowara ho.

Yε W'adzesua ho Ahoboa



Ohia kese dε ebeyε adzesua a ebεkyεre no ho ahoboa ahweyie mu ama etum dze asempa fapem no ato gua ndamyε mu. Nsusui a odzi do yi botum aboa wo ma aye ahoboa.

Hu Ndzemba a ɔboa

Asɔr no aye ahoboa ahweyie mu aye *curriculum* (dza wɔdze kyere adze) ndzemba a ogyina kyerewsem na nda a odzi ekyir nkɔnhyεfo hɔn nkyerεkyere do. Bisa w'asɔfodzi anaa ɔboafø banodzinyi dε gyangyanbiara ndzemba a ɔboa a odzi do yinom wɔ hɔ a wo nsa bækā dze edzi dwuma anaa:

- Kyerekyerenyi ne nkyerεkyere buukuu a Asɔr no etsintsim ama w'adzesuafo no.

- Adzesuafo hɔn kyerewsem.
- Asɔr dawurbo nkrataa a nda a odzi ekyir nkɔnhyεfo hɔn nkyerεkyere wɔ mu.
- Kyerewsem no sua mboa a ɔwɔ wo kasaa mu.
- Mfonyin a wɔaboa ano a wɔfrε no "Asempa Nsaano Mfonyin Mboano," a ɔwɔ dε bi ba w'asɔrdan no mbuukuu korabea.

Ama etum aye mbre edze bedzi dwuma wɔ w'adzesua mu no, dzi kan hwε ndzemba a ɔwɔ hɔ. Nnhia ndzemba kyinkyinenn ana aye kyerekyerenyi a ɔye ndam. Christ kyerekyere adzesua pii wɔ abɔbɔfo bea. Nyhyedo a ohia kese wɔ w'adzekyere

mu nye Sunsum no. Edze nkyerɛkyere ho mboa rekyere wɔ akwan a ɔfata do na Sunsum no ne kwankyerɛ kā ho no na ogya asempa adzesua yie.

Hye Ahoboaboa Ase Ntsɛm

Yε w'adzesua ho ahoboaboa ntsem. ɔtaa boa de ebeyɛ ase esua adzesua no adapen kakra ansaana akyere. Iyi bema wo mber ma edze adwen na abɔ adzesua no ho mpaa na aye ahoaboa a ɔfata.

Fa W'adwen Tsim Adzesua no no Botae do

Adzesua kor biara a ebekyere no wɔ de onya botae bi. Mfato ho, akɔnkye ho adzesua ne botae botum aye de ɔbɔboa adzesuafo no ma wɔatse akɔnkye ho nhymira ase anaa erekkye kom akɔnkye Kwasida wɔ botae pɔkyee bi a ohia ho. Dza edze bɔto gua na mpensampensa-mu no wɔ de ogyina botae no do.

Ama abɔ adwen pɔw wɔ adzesua no botae ho no, sua adzesua no mu nsem na kyerekwsem a ɔkā ho no. Sere Ewuradze ma ɔmboa wo ma tse nsem etsitsir a ɔwɔ adzesua no mu no ase ma ankorankor a ekyerekyere hɔn no. Bisa woho de, "Ebenadze na ɔbeba hɔn a mekyerekyere hɔn no hɔn abrabɔ mu a obefi adzesua yi ne nsun-suando mu?" Adzesua no no botae a wɔada no edzi kā adzesua nkyerɛkyere mbuukuu a Asɔr no aye no mu dodowara ho. Nsem yinom botum aboa wo ma abɔ w'adwen pɔw wɔ

mbre adzesua kor biara besi ekenyan hɔn a ekyerekyere hɔn no.

Bɔ W'adwen Pɔw wɔ Dza Ebekyerekyere ho

Etum ehu adzesua biara no botae no, bɔ w'adwen pɔw wɔ fapem no a ɔwɔ de ekyere no ho ma nsa kā botae yi. Kyerɛwsem, nsem na nkaabɔ a ɔbɔboa wo ma akyere adzesua no taa kā nkyerɛkyere mbuukuu no ho. Mbom ɔtaa ka de nsem a ɔwɔ adzesua no mu no bor mber a wɔdze ama wo a ibotum dze akyere no. Dem ntsi, ɔwɔ de epa mu yi yi ndzemba a ɔbeye mboa kese ama hɔn a ekyerekyere hɔn no. Bisa woho de, "Nkyerɛkyere na fapem a ɔwɔ adzesua yi mu no, no mu hendze na ɔbɔboa adzesuafo no ma woe-tum egyina taferbanyinmbɔmu a wohyia no nde mber yi mu no ano?"

Se ihia ndzemba a onyi nkyerɛkyere buukuu anaa kyerekwsem no mu a, susu de edze nsem na kasa a ofi Asɔr no ne President a odzi kan na n'Apamfo hɔn nkaabɔ, akyerekyere aserafo nsem, dawurbɔ nkrataa, nkan-ka wiadze mfendzan anehiyadzi nsem bedzi dwuma.

Ber a eroobɔ adwen pɔw wɔ dza ebekyerekyere ho no:

- Sua dza ɔwɔ adzesua no mu no mpaabɔ mu ara.
- Kyerɛw nkyerɛkyere na fapem a ɔwɔ adzesua no mu no nkorkor.

-
- Daa ma hōn a ekyerēkyere hōn no hōn ehiadze na ginyinabew nda w'adwen do.
 - Dzi Sunsum no ne kwankyerē do.

Oye koraa de ibegyina fapem tsitsir kor anaa ebien ara do.

Bɔ W'adwen Pɔw Wɔ Mbre Ibesi Akyerēkyere Ho

Abo w'adwen pɔw wɔ adze a ebekyerēkyere ho no, ɔwo de ebo w'adwen pɔw wɔ mbre ibesi akyerēkyere ho. Sua ndzemba no na dwendwen ho mpaabɔ mu ara mbre ibesi dze ato hōn a ekyerēkyere hōn no enyim. Akwan a ebefo do dze akyere no wɔ de ɔboa esuafo no ma wɔtse dza ekyerēkyere no ase na wotum dze to hōn abrabɔ ho.

Sua kyerewsem, kodzi, na nsem a wɔapensapensamu wɔ adzesua no mu no na kyerewsem biara a ɔbɔboa wo ma ama nkyerēkyere anaa fapem no mpaabɔ mu ara. Ye ahoboa de ebo-boa adzesuafo no ma wɔatse mbre wobesi dze kyerewsem no ato hōn abrabɔ ho no ase (hwe 1 Nephi 19:23).

Susu so de edze kodzi na wankasa w'abrabɔ mu nsem na adzesuafo no hōn abrabɔ mu mfatoho bedzi dwuma. Mfatoho, aszfodzi adzesua kyerekeryenyi bi kāa nankasa ne nuabanyin ne suahu a, ɔmaa otumii dzii ne suban do konyim ekyir no, abasirba bi gyaa de ɔronom sigyaret.

Mfatoho yi kyere de obi a ɔnom

sigyaret botum asesā ne suban. Asem no a ɔtsee no maa ɔdzesuanyi no bɔc ne tsirmu pɔw de obotum asesā nankasa ne bra.

Se epe nsem a ɔfa akwan horow a ɔbɔboa wo ma edze adzesua no ato gua a, hwe krataafa 8-11 a ɔwo kwankyerē buuku yi mu no.

Hyehye Ewiei bi

Agyenkwa no taa de ɔbo dza ɔakyerekyere no tɔw na ɔhye nkɔrɔfo no nkurān de wɔmfa mbɔ bra (hwe Samarianyi Pa abebusem no, Luke 10:30-37). Adzesua no aba ewiei no ɔwo de ebobɔ do na ebo dza akyere no tɔw. Susu akwan a adzesuafo no botum afa do dze abɔ bra na bisa hōn ma wonsusu akwan binom so. Hye hōn nkurān de wɔnye adwenkyere yinom mu kor bi wɔ dapen a ɔreba no mu. Adzesua a odzi do no mu no, ebepé de ibebisa hōn dza woesua efi hōnara hōn mbɔdzembɔ mu.

Wobisaa kyerēkyerenyi bi n'adzesuafo de da biara, wɔ dapen kor mu no, wɔnsom a wɔremma obiara nnhu hōn. Adzesua ber a odzi do n'ahyese no, kyerekeryenyi no bisaa de wɔmbɔ ho amandzee tsibaa. Adzesuafo no mu dodowara na wɔdze enyigye kyee hōn sūahu na dew a wɔtsee ber a wɔdze adzesua yi no mu nsem dzii dwuma no. Adzesuafo yi hōn mbuae pa no hyee nkaafu no nkurān de hōnankasa wɔdze hōnho bema asom yie.

Tse H̄on a Ekyerε H̄on Adze no Ase



Ohia kese de ebetse h̄on a ekyerεkyere h̄on adze no ase. Hwe mbre w'adzesuafo no adwen mu esi epiw na h̄on suahu tse. Nkor̄fo a woedzi mfe ahorow w̄o ehiadze ahorow na wosua adze w̄o akwan ahorow mu.

Mbofra

Mbofra rinyin w̄o honandua, nkitahodzi, nkātse, na sunsum mu. Ber a ereye w'adzesua ho ahoboa no, kaa abofra kor biara ne *talent*, ne mbo-dzemba, na n'ehiadze.

Mbofra enyi gye edzemb̄a asor̄tow ho. Fa nsem tsabaa, agor a ne dzi nnye dzen, mfonyin, adzesua ndzemba, na ndwom kenyan h̄on enyigye.

Afei na mbofra rusua mbre wosi nye obi kye h̄on adze, ayamuyie na abotar. Kaa h̄on Jesus ne fasusu na hye h̄on nkuran ma wɔnkā no do, fa iyi boa h̄on ma wondzi esint̄ yinom do konyim.

Mbofra w̄o awerehyemu na w̄ogye adze dzi. W̄obegye dza ebekyerekyere h̄on no edzi. W̄obchwe wo so na woe-dzi wo fasusu do.

Mbabun

ɔt̄fabi a mber a ɔda mbofraber na mpanyinyeber mu ye dzen na ɔgye taferbanyinmb̄omu. Adzesuafo no botum enya asodzi pii w̄o h̄on ebusua, skuul na edwuma mu. Nsusui a

odzi do yinom botum aboa wo ma enya nhye do pa ama mbabun no.

Siesie adzesua biara ma ɔmfa hɔn abrabɔ ho. Boa hɔn ma wonhu mbre asempa no besi etum eyi hɔn nsempisa ano na aboa hɔn ma wɔasan mu afia dza oye.

Mbabun botum aye ankonam na woonya nkätse de wɔnnɔ enyi. Boa obiara ma ɔmbeyɛ nyimpa tsitsir wɔ w'adzesuafo no mu. De wɔkā kuw a ɔwɔ asempa gyinapen ho no ma mbabun no sunsum mu ahoođzen na ɔboa hɔn ma wɔbɔ bra a ɔtsew.

Kyere de ewɔ enyigye wɔ hɔn adwenkyere ho. Hye hɔn nkuran ma wɔmfa

hɔnho nhye adzesua no mu na wɔnye ɔwo na obiara mpensapensa dza ɔkyer hɔn adwen no mu.

Mpanyimfo

Mpanyimfo adzesuafo no wɔ mfe ahorow a woedzi na wɔwɔ gyinabew na suahu ahorow. Kaa nsonsonee yinom wɔ w'adzesua mu. Hye w'a-dzesuafo no nkuran ma wɔnkye hɔn nyansaa a woesua efi hɔn esüahu mu. Fa hɔn *talent* ahorow no dzi dwuma.

Kyerekere asempa no mu nokwar no mberew mu. Sunsum Krɔnkrɔn no bɔboa adzesuafo no ma wɔatse ase na wɔdze nokwar no abɔ hɔn bra.

Erekyerɛkyere ho Akatua



Dε eye kyerɛkyerenyi no, ibotum enya enyigye suahu a ofi eroboa binom ma woetu hɔn asempa mu nyimdzee mpon no mu. W'enyimpi na mbɔdzembɔ nokwar mu de ebe-kyere asempa no bɔboa binom ma woonya Agyenkwa no ho dasegye a otsim na wɔdze mbrasem no abɔ bra.

Ɔhaaw Kwesida Skuul kyerekyerenyi bi de n'adzesuafo no mu pii wɔ adze-kyere ho abɔdzin a ɔsen nedze no. Nna onnyim se ne nkyerɛkyere no rinya nhiedo pa a. Kwesida kor bi adzesuafo no kor nye kyerɛkyerenyi no gyinaa nkyen. Ɔkāa de ɔnam no kun ne suahu a oenya wɔ Sunsum no ho wɔ adzesua no mu no ntsi, afei

oesi no pi de ɔbeka n'ebusua aboa ano na da biara wɔayɛ ebusua mpaabɔ. Oesi no pi so de ɔbeye ahosiesie akɔ temple ma wɔasow hɔn ano de ebusua. Ɔdzesuanyi no kāa no dɔ na n'enyisɔ kese wɔ kyerekyerenyi no ne mbo-dzen a ɔbɔ dze sere Sunsum no ba hɔn adzesuadan mu no. Afei ahobre-adze hyeɛ kyerekyerenyi no n'akoma mu mā na ɔtsee nkyerɛkyere ne nokwar tsirmpɔw na akatua ase.

Ber a erekyerɛkyere no, wobehyira ɔwo na w'adzesuafo no. Wankasa wo nyimdzee a ewɔ no wɔ asempa no ho na Agyenkwa no ho dasegye bɛhyɛ dzen ber a isua, eye ahoboa, na ekye-kyere asempa adzesua no. Ibenya

dɔ mbordo nkătse ama nkɔrɔfo nkaa
no. Ebɛtse Sunsum no dɛ woehue no
mbordo egu wo do wɔ abrabɔ mu,
ber a ahobreadze mu ara edze enyim-

pi bɔ mbɔdzen de edze dza ekyere no
bɔbɔ bra. W'abrabs bɛhyɛ mǎ, ḡnam
dɛ esom dɛ kyerekyerenyi ntsi.

Erekyerékyeré Asëmpa Adzesua no n'Enyido



Erekyerékyeré Asëmpa Adzesua no ye kwan a Asɔrmba nyina botum esua na wɔabeyé akyerekyeréfo apapa. Adzesua no ne kyerekyeréfo nye kyerekyeréyi mpontu ɔhwefo (teacher improvement co-ordinator) anaa kyerekyeréyi a ɔbɔ mbɔdzen yie a bishop anaa nkorbata ne *president* no afre no. Adzesua yi wobotum akyeré no Kwesida Skuul ber anaa ber a ɔse mu. Se wɔreyé adzesua yi ama banodzifo anaa akyerekyeréfo a wɔwɔ kuw bi mu a, wobotum akyeré no wɔ ber a wɔreyé banodzifo nhiyamu a wɔahyehye no dada no mu. Bea a asɔrmba no nntse mmben asɔrfi no, anaa nhiyehyee a ɔwɔ hɔ no mma kwan mma wɔnnye no Kwesida Skuul ber mu no, wobotum ahwe aye

no fie adzesua na adzesuabea mu nhiyamu (a kor biara wɔbeyé adzesua no mu dodow).

Adwen nsusui a wɔdze ye adzesua kor biara wɔ nkyerekyeré buukuu yi mu. Se kyerekyeréyi reye adzesua ho ahoboa a, ɔwɔ de ɔdze nsusui a ɔwɔ ɔfá a ne tsir ye "Fa Nkyerekyeré akwan Horow do dzi dwuma."

Adzesua biara ewiei no, kyerekyeréyi no wɔ de ɔhye adzesuafo no nku-ran ma wɔdze dza woesua no da no dzi dwuma wɔ Asɔr adzesuabea anaa wɔ ebusua fie ewimbir nhiyamu mu. Iyi bɔboa hɔn mpontu de akyerekyeréfo yie. Adzesua yi, ɔwɔ de wɔdze adapen awɔtwe kyere, gyede ma wɔakyerekyeré mu no a odzi nhye-

hyee a ɔtoa do yi do no. Wɔahyehye
adapen duebien adzesua wɔ
“Teaching No Greater Call”
(Erekyerekyere, ofre Kese Biara
Nnsen no”) mu, na ɔwɔ dε se bi wɔ
hɔ a wɔdze dzi dwuma.) Nsusui a
odzi do yinom kɔ adzesua kyerekye-
renyi no hɔ.

Dapen 1

Ma adzesuafo no mu kor biara nkye-
rekyere buukuu yi bi, na bobɔ dza
ɔwɔ mu no do. Fa adzesua no tsim
mbueienyi na ɔfā a ne tsir dze “Siesie
woho wɔ Sunsum mu no do.” Tsī mu
kā woeyi wo esi hɔ na edze asempa
no robɔ bra ma afata sunsum no no
ho hia a ohia.

Dapen 2

Fa w'adwen tsim “Dɔ Hɔn a
Ekyerkyere Hɔn no,” a ɔwɔ ɔfā a ne
tsir dze “Kyerekere de mbre Jesus
kyerkyeree no” do. Hwε mfe-kuw su
a ɔwɔ nkrataafa 15–16 wɔ kwankyerε
buukuu yi mu no. Bisa ma adzesuafo
nkyε hɔn suahu wɔ eretse ebusua anaa
adzesuafo ase anaa edze ɔdɔ reben hɔn
ma enya nsunsuando pa no ho.
Ibotum so apensapensa mbre akyere-
kyerefo besi abɛn na wɔamee obiara
dε ma n'ehiadze tse, nkanka afofor a
wɔasakyer, asɔrmba akɔtrɔbdwε, na
asɔrmba a wɔwɔ esintɔ no mu.

Dapen 3

Fa w'adwen tsim “Kyerekere
Asempa mu Nokwar,” a ɔwɔ ɔfā a ne

tsir dze “Kyerekere de mbre Jesus
kyerkyeree no do.” Tsī mu kā ekye-
rekyere asempa no gyedzi mu pefee
mu, na kwan a ɔtsen do, edze kye-
rewsem no rekyerekyere na ereyε
nyehyee ama ankorankor asempa
nsuae no ho asem.

Dapen 4

Fa w'adwen tsim “Fa Sunsum no
kyerkyere,” a ɔwɔ ɔfā a ne tsir
dze “Kyerekere de mbre Jesus
Kyerekere no” do. Boa adzesuafo
no ma wonya nkuranhye de woboto-
tum afata de wobenya Sunsum no wɔ
hɔn adzkyere mu. Boa hɔn ma won-
sua nhu na wɔnkā Sunsum no do.

Dapen 5

Fa w'adwen tsim “Hwehwε Adzesua
Enyiberdo,” a ɔwɔ ɔfā a ne tsir
dze “Kyerekere de mbre Jesus
Kyerekere no” do. Tsī mu kā akwan
pɔkyee a obotum aboa akyerekyerefo
ma woetum aboa hɔn a wɔkyerekyere
hɔn no ma wɔaagye hɔn asodzii de
wobosua asempa no na wɔdze abɔ
bra mudzi mu no ho asem.

Dapen 6

Fa w'adwen tsim “Ma Bea no Mfata
Adzesua,” a ɔwɔ ɔfā a ne tsir dze
“Kyerkyere de Mb're Jesus
Kyerkyeree no” do. Boa adzesuafo
no ma wɔntse mbre wɔbεyε ma bea
no afata ma obiara botum dze noho
ahyε mu na ɔape de obosua no ase.

Dapen 7

Fa w'adwen tsim ɔfā a ne tsir dze
“Fa Nkyerēkyere akwan Horow do
Kyerekyere” no do. Erehyehye adzesua
a ɔyé ndam hia adwen na nwenee
soronko, na ndzemba a ɔwɔ ɔfā yi mu
no botum aye mboa kese. Bisa adzesuafo
no ma wɔkyere anaa wɔnkye
hɔn suahu wɔ nkyerēkyere akwan
horow a wɔapensapensa mu wɔ ɔfā
yi mu no mu.

Dapen 8

Fa w'adwen tsim ɔfā a ne tsir dze
“Ye W'adzesūa ho Ahoboa” no do.
Boa adzesuafo no ma wɔntse hia a
ohia de wɔhye adzesua ahoboaboa
ase ntsem ase, na pensapensa mbre
wobesi ahyehye na wɔakyere adzesua
no ndamye mu mu.

Mbea a ɔbefata ber a adzesua yi
rokɔ do no, ibotum etsī mu akā ɔfā
“Erekyerēkyere ho Akatua” no mu
bi. Bisa adzesuafo no ma wɔnkye
akwan a akyerēkyerefo ehyira hɔn

abrabsa na akwan a hɔn so a wɔyé akyerēkyerefo no woetum aboa binom.

Adzesua no aba ewiei no, hye hɔn a
wosua bi no nkuran ma wɔnkɔ do aran
ntu mpon de wɔyé akyerēkyerefo. Se
afei na wɔafre hɔn adzesuabea akyerēkyerefo
afofor a, hɔn asɔfodzi anaa
ekuw-ekuw banodzinyi no wɔ de
ohyia hɔn na ɔma hɔn adzesuabea na
ɔdze adzesuafo no kyere no. Nkyii
ɔwɔ de wɔbɔ hɔn mpontu ho amandzee
ofi ber to ber kyere hɔn asɔfodzi
anaa ekuw-ekuw banodzinyi na
wɔpensapensa hɔn ehiadze na dza
ɔgye hɔn taferbanyinmbɔmu mu.
Wobotum ato nsa afre banodzinyi no
ma ɔbesera hɔn adzesuabea no na
ɔboea hɔn wɔ akwan biara mu.
Kyerēkyerenyi mpontu ɔhwefo no ye
ɔboaflo a ɔwɔ hɔ daa ma akyerēkyerefo—
hɔn a wɔafre hɔn de adzesuabea
akyerēkyerefo na hɔn a wɔkyerēkyere
wɔ hɔn ebusua ebusua mu na hɔn a
asodzi da hɔn do de banodzifo no.

JESUS CHRIST

WA CH CWC A RASA
NDA A ODZI EKYIR
AHOTSEWEEFO

